



Broj: 04-40-1-165/25
Sarajevo, 15.06.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 14.06.2025. do 08:30 sati 15.06.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 12 intervencija: tri intervencije na gašenju niskog rastinja, dvije na gašenju smeća (jedno u kontejneru i jedno na otvorenom prostoru), dvije tehničke intervencije 8zaglavljena vrata stana i asistencija policiji i hitnoj pomoći) i 5 intervencija obezbjeđenja pretakanja goriva na sarajevskom Aerodromu.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 14.06.2025. godine, utvrdili su sljedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

-Uočene su izražene geološke promjene, uključujući formiranje pukotina uslijed atmosferskog uticaja i pomjeranja tla (na dijelu “Curine njive ispod igrališta” – dio šumskog zemljišta).

-U skladu sa Izvještajem o radu Interinstitucionalne radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine, izvršeno je izvođenje дренаžnih kanala i kontrolisana odvodnja vode iz tijela klizišta do najbližeg recipijenta. Uslijed atmosferskih uticaja prisutna je erozija dijela zemljišta.

Redovnim obilaskom i vizuelnim pregledom može se zaključiti da je trenutno stanje zadovoljavajuće. Na samom klizištu zabilježen je slabiji dotok površinskih voda, osim na dva manja potoka ispod deponije,

čije se vode ulijevaju u postojeći drenažni kanal. Nisu uočena nove pukotine ili širenja postojećih. Na donjem dijelu lokaliteta, ispod igrališta i iznad rasadnika, i dalje je prisutna blaga erozija tla, kao i povišena vlažnost zemljišta, što ukazuje na zadržavanje vode u tom segmentu terena. Na kraju drenažnog sistema jasno je vidljivo otjecanje vode prema tzv. rasadniku.

-Stručni tim Instituta za geotehniku i geološko inženjerstvo sa Građevinskog fakulteta u Sarajevu provodi geotehnička istraživanja tla, uključujući izradu geoloških bušotina, radi prikupljanja podataka potrebnih za procjenu svojstava tla i izradu projekta sanacije aktivnog klizišta.

-Ocjena rizika: Lokalitet je ocijenjen kao kritičan zbog intenzivnih i dinamičnih geoloških procesa te zahtijeva pojačan i kontinuiran monitoring.

2. Knjeginjac (Opština Istočni Stari Grad):

-Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Redovnim obilaskom konstantovano je da je na gornjem dijelu deponije uočena blaga erozija tla, doke je površina tog dijela suha. U rigolu iznad ceste nije zabilježeno prisustvo vode, što ukazuje na odsustvo aktivnog površinskog otjecanja u tom dijelu. Suprotno tome, donji dio deponije i dalje pokazuje konstantnu vlažnost tla, prisustvo blata i nekoliko većih bara, što može ukazivati na zadržavanje vode te dotok podzemnih voda koje izbijaju na donjem dijelu deponije. Ovakvo stanje ukazuje na zadržavanje površinskih i podzemnih voda u nižim zonama, te zahtijeva kontinuirano praćenje, posebno u kontekstu mogućih problema s odvodnjom i stabilnošću terena.

-U skladu sa Izvještajem o radu Interinstitucionalne radne grupe u procjeni stanja na lokalitetima klizište Curine njive i Bistrički potok sa prijedlogom intervencije i trajnih mjera od 15.10.2024.godine na predmetnom lokalitetu su izvedeni radovi na drenažnim kanalima, čime se obezbijedila efikasna odvodnja površinskih voda.

-Na donjem dijelu deponijskog materijala, stručni tim Instituta za geotehniku i geološko inženjerstvo sa Građevinskog fakulteta u Sarajevu provodi geotehnička istraživanja tla, uključujući izradu geoloških bušotina, radi prikupljanja podataka potrebnih za procjenu svojstava tla i izradu projekta sanacije aktivnog klizišta.

3. Bistrički potok (Općina Stari Grad Sarajevo – Boguševac i Opština Istočni Stari Grad):

-Korito potoka i dalje je djelimično zatrpano zemljano-kamenim materijalom i obrušenim stablima.

-Nisu zabilježene nove degradacije, niti su poduzete aktivnosti na uklanjanje postojećih prepreka.

-Povećana opasnost od plavljenja u slučaju obilnih padavina, akumulacija nanosa uzvodno od začepjenja, u slučaju obilnih padavina mogućnost erozije obale usljed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br.08-40-1128-2/24 od 01.11.2024.godine i br.08-40-1128-2.1/24 od 20.11.2024.godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma.

U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 16°C, vlažnost zraka 62%, barometarski pritisak 948,3 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a